



Sabtu, 29 Januari 2022
Ogen: Kejadin 1:26-28



"Sentudu ras TempasNa"



Dua anak kembar hampir susah kita mbedakenca kecuali lit tanda si jadi ciri-ciri hususna. Tapi lit ka nge kembar si la mirip. Manusia ijadien Dibata sentudu ras tempasNa. Pengangkan sentudu ras tempasNa e e me manusia ijadien Dibata bagi IA, BiakNa iesususrNa man banta. Biak mehuli lit i bas kita sabapDibata Bapatanta e mehuli. Biak keleng ate lit i bas kita sabab bage kin biak Dibata si nepa kita. Biak rukur ras erdahin lit i bas kita sabab e kin Biak Dibata. Biakta tole nari e me ndalanken sura-sura ras pedah Dibata sabab kita tinepaNa. Kepatuhennta man baNa e tandana kita ngumban biakNa. Adi siukuri secara doni mesera tapi tentuna enda me tugasta selaku anak-anak Dibata.

Sekalak Moria si bayak, lit dua anakna. Anakna sintua ndatken posisi si meganjang bas sada perusahaan asing, anakna singuda kuliah i bas Universitas negri i Jakarta ras mbaru-mbaru enda datken beasiswa S2 na segelah dung tamat mis S2 ku Australia. Meriah kel ukur Moria enda, tempa la lit kai pe si jadi tangkel-tangkelnas ndalani kegeluhen e. E me dalan-dalanna erban ia sombong, kecil kapna kalak sideban, pengeranana e pe ate-atenas saja erbanca rusur kalak megelut.

Situhuna, kai si lit bas kita e pe jadi sekerajangen Dibata. Si lit gundari bas kita e terjeng titipan sementara man banta. Selaku si sentudu ras tempasNa kita harusna ngergaken Dibata si meganjangNa man kegeluhenta. Labo lit siterdatasen asangkan Dibatanta. Ia simpuna doni enda, ia simpuna kai pe lit i bas kita.

Pakeken si lit i bas kita guna kemuliaan Dibata